

facultate, sed et promptitudine ratiocinandi, quin & methodo veras falsasque ratiocinationes discernendi instructus esse debet.

Eius finis inventio veritatis demonstrativa & probabilis. *ATMELIA*

§. III.—Quum itaque verum invenire ac proponere doceat logica, (§ I.) veritas autem vel certa sit, vel probabilis: (H. §. II) de utraque sollicitum esse oportet logicum (*).

Logicae utilitas.
ATMELIA

§. IV.—Utilitas ergo hujus disciplinae in omni genere eruditio plane admiranda est. Quem enim alium studiorum omnium finem nobis proponimus, quam ut veritatem inveniamus ac inventam communicemus cum aliis? (†).

Eius inventores.
ATMELIA

§. V.—Hinc illam magna cura olim excoluerunt Zenon Eleates, ad quem originem hujus scientiae vulgo referunt, (H. §. LXXXIV. (†) DIOG. LAERT. in prooem. Segm XVIII. & XIX. 25. Megarici, (H. §. LXIII.) Aristoteles, (H. §. LXXXIII) Stoici, (H. §. LXXX.) Epicurei, (H. §. LXXXVII.) Sed dum plerique horum non tam inveniendae veritatis, quam disserendi disputandique methodum ostenderunt: post tantam messem magnum recentioribus spelegium superfuit (‡).

Concilium nostrum.
ATMELIA

§. VI.—Nos id operam dabimus, ut optima quaevis praecincta, quae vel experundo didicimus, vel ab aliis tradita accepimus, eo ordine proponamus, qui naturae hujus disciplinae nobis videtur quam convenientissimus (||). *ATMELIA*

(*) Nec tamen ideo opus est, ut cum Aristotelicis duas distinctas disciplinas, puta *dialecticam & analyticam*, fingamus. Vid. SCHERBII Diss. de different. analyt. et dialect.

(†) Reprehendunt itaque, & procul dubio a posteritate infamia notandi, qui, ut juventutem, olim logicæ Aristotelicæ tricis justo diutius inherenterem, ad utiliora revocarent, logicam prorsus inutilem esse clamarent, eique hoc instrumentum necessarium plane excusserunt et manibus. Sit.

Stulti, dum fugiunt virtutia, in contraria currunt.
Eam soliditatem ex instituto resellit JAO. MARTINI in dem. Ver. nuncfl. spiegel.

(‡) Hinc logicas novae, quas tamen parum commendant principia de dubitatione. (H. § CX) de fallacibus sensibus & similia. Add. THOMAS. Cantel. circa praecon. iur. Cap. X §. VII sequ. Dicendum quoque de Arte cogitandi. Medicina mentis. Specimen ratiocinandi Kufflerianum. Logica Clerici, & libellis similibus.

(||) Quam commodissimum autem videtur, primo considerare naturam INTELLECTUS humani, deinde naturam VERITATIS, ac demum, quomodo ea INVENIENDA PROPONENTUR. De qua sit, disquirere.

DE INTELLECTUS OPERATIONIBUS 5

CAPUT II.

De natura intellectus humani.

SECT. I.

De intellectus operationibus.

§. VII. CIRCA veritatem INTELLECTUS, circa bonum voluntas magis occupata est. Quum ergo logica tradat rationem inveniendi proponendique veritatem; (§. I.) facile patet, eam doceri non posse, nisi vires intellectus humani ejusque operationes probe perspectas habeamus.

§. VIII.—Experientia docet, nos cognitionis omnis expertes in hoc mundi theatrum prodire, (*) & postea nobis adquirere sensim rerum variarum materialium ideas, a quibus deinde & conceptus rerum immaterialium abstrahimus.

§. IX.—Eadem experientia nos convincit, infantes, ubi paullatim adolescent, binas harum idearum, sibi sensione vel abstractione adquisitarum, inter se comparare, ac paullatim eo pervenire, ut & inter tres ideas instituta comparatione, novas veritates reperiant (†).

(*) Quid enim de Platonorum, Cartesianorum aliorumque ideis innatis sentiendum sit, infra in philosophia morali (§ XXIV) expomemus. Qui eas ideas innatas in se tam clare & evidenter sentiunt, exponant mihi velim, cur earum sibi consci non sint, qui inter feras educati, vel surdi ac muti natura, postea cum hominibus loqui, suasque pristinas cogitationes, si quas habuerint, cum aliis communicare didicerunt. Exempla hujusmodi ex BERN. CONNOR Evangelio medici & Historia academie scientiarum anni c. I. lcc. III. deprompta habes in Act. Erudit. Lips. 1700. p. 507.

(†) Sic intellectus se habet, tamquam arithmeticus. Quemadmodum enim hac disciplina imbuendus primum numeros simplices comprehendere & eloqui discit per numerationem, deinde quo modo bini numeri inter se comparandi sint, per additionem, subtractionem, ac divisionem, docetur, ac demum eo pervenit, ut per regulam de tribus tres numeros inter se comparare, & ex quantitate nota aliam ignotam elicere sciat: ita intellectus primum ideas simplices percipit, e. g. ideam lunæ, ideam lucis, ideam solis, ideam corporum visibilium, cet. deinde binas inter se compa-

Cur hic de intellectu agendum sit?

An dentur ideae innatae?

Idearum comparatio.

Tres intellectus operationes.

§. X.—Quando *ideas simplices* adquirit intellectus, PERCIPERE; quoties *binas* inter se comparat, JUDICARE; denique, dum *tres* inter se confert, συλλογιζεσθαι seu RATIOCINARI dicitur. Unde *tres*, nec plures, sunt *intellectus operationes* (*), a quibus recte definitur, quod sit *facultas mentis, quae percipit, judit, ratiocinatur*.

Earum definitio.

§. XI.—PERCEPTIO itaque est adquisitio *idearum simplicium*: JUDICIUM *idearum binarum*; RATIOINATIO *trium comparatio*.

Quid imaginatio?

§. XII.—Neque tamen omnes ideae ad intellectum referuntur, sed quoties mens *ideam objecti materialis absentis contemplatur*, id per IMAGINATIONEM fieri dicitur.

Quid judicium, ingenium, memoria?

§. XIII.—Ea imaginatione *ideas varias componimus, discernimus, revocamus, retinemus*. Unde modo INGENII, modo JUDICII, modo REMINISCENTIAE vel MEMORIAE nomine vénit (†).

An omnia quae concipiuntur, existant?

§. XIV.—Et ea quidem, quae componit *ingenium*, non semper re ipsa existunt. Possem enim facile in mente conjungere ideas *aurei & montis*, & mihi formare imaginem *montis aurei*, qui tamen extra cogitationem non existit. Hujusmodi ideae vocantur CHIMAERICAE, vel ENTIA RATIONIS.

Quae sint non entia?

§. XV.—Ex quo tamen patet, haec *entia rationis* non confundenda esse cum NON ENTIBUS, quae plane non sunt *objecta mentis*, de quibus quippe nihil cogitari potest. Sic *circulus quadratus* est non ens, quia de eo ne cogitari quidquam potest.

Quae optimaria indoles sit philosophi?

§. XVI.—Quum itaque, quae componit *ingenium*, non semper vere existant: (§. XIV.) *judicio* opus est, quod rem ab umbra, chimaeram ab ipsa re, & attributum ab attributo accurate secernat. Hinc quo rectius

rat, e. g. *lux corpora reddit visibilia, sol lucet, cet. denique & tribus inter se comparatis ideis dicit, lucem corpora reddere visibilia, adeoque solem vel lunam, quae idem faciant, lucem esse*. Id vidit THOM. HOBB. in libell. de corpore, Part. I. ab init.

(*) Nec otiosa haec est quaestio, sed utilissima, immo totius logices fundamentum.

(†) Quae facultates quatenus diverso gradu in homine mixtæ sunt, non unam dant hominum INDOLEM, quae praedominante *judicio erudita, ingenio, aulica & militaris, memoria, vulgaris* non incommodo a nonnullis vocari solet.

est hominis *judicium*, eo magis ad veritatem inveniendam aequa proponendam idoneus erit (*).

§. XVII.—Quamvis itaque intellectus permultis, iisque egregiis polleat facultatibus ac operationibus, id est, ratione: (H. §. II.) negari tamen nequit, eum non semper reperi veritatem, cuius rei causa sane non in intellectu, sed in voluntate querenda est.

§. XVIII.—Quum enim raro velit homo res de quibus cogitat, accuratius contemplari: sed vel aliorum auctoritate totus nitatur, vel vaga & superficiaria meditatione contentus sit: aciem intellectus prestringunt praejudicia AUCTORITATIS & PRAECIPITANTIAE, quae rectae rationi veluti tenebras offundunt. (H. §. II.)

§. XIX.—Praejudicium AUCTORITATIS est falsa opinio, qua unius sententiam quamvis numquam expensam, ob personae qualitates recipimus, alterius rejicimus (†). Praejudicium PRAECIPITANTIAE est falsa opinio, qua sententiam nec accurate, nec ordine a nobis expensam, tamquam veram adsumimus rejicimusve (‡).

§. XX.—Haec autem praejudicia non temere quisquam evellet animo, nisi ordine instituat meditationem, idque agat praecipue, ut claras, distinctas, adaequatas rerum ideas sibi formet. Quod quo pacto fiat, paullo accuratius erit considerandum.

Cur intellectus non semper veritatem adsequatur.

Praejudicia causae errorum.

Quid sint?

Quomodo animis elevanda?

(*) Hinc patet, cur *indoles erudita* dicatur, sicubi praedominatur *judicium* (§. XIII. *). Et cur non temere fallant axiomata: magna *ingenia* habent aliiquid admixtum *stultitiae*. Item: *memoria* nimis *capax raro est cum judicio accurato conjuncta*. Sunt tamen, qui omnibus facultatibus pollent in gradu eminentiore, quibus veteres *ingenia heroica* tribuebant.

(†) Praecipue hoc pertinet praejudicium *religionis, antiquitatis, novitatis, honoris, famae, probitatis*, quibus plerumque a pueri imbuinur.

(‡) Huc referas etiam praejudicium *receptae hypotheseos, veritatis quasi possesse, quo maxime pontificii tangent, spiritus contradictionis, cet.*

SECT. II.

De perceptione, vel ideis.

Ideae quid? §. XXI. **I**DEA est objecti cuiusvis genuina imago, quam mens immediate contemplatur, vel, est quaelibet de re quavis cogitatio.

Quotuplices? §. XXII.—Quum autem res sint vel *materiales* vel *immateriales*: illarum ideas **SENSIONE**, has **ABSTRACTIONE**, & **CONSCIENTIA** adquirimus (*).

Quid experientia? §. XXIII.—Incipit ergo cognitio omnis a sensione, qua rerum modos, attributaque addiscimus, ac discernimus accurate. Ea ubi saepe & sub diversis circumstantiis est repetita, **EXPERIENTIA** vocatur, quae nihil aliud est, quam *sensionum semper sibi similium memoria* (†).

An sensus sint fallaces? §. XXIV.—Ne ergo fallat experientia, ea adhibenda est cautio; ut sensoria organa sana sint, ut quod medium est inter organum & objectum, recte se habeat, ut attenta sit mens, & rem in justa distantia vel adhuc idoneis instrumentis exploraret. Quibus observatis, tenenda regula: *sensus, positus omnibus ad sentendum requisitus, non fallunt* (†).

Quotuplices ideae? Quaenam clarae & obscurae? §. XXV.—Ex hac itaque experientia formamus nobis ideas, quae vel **CLARAE** vel **OBSCURAE** sunt. **Clarae**, quando ita rem concepi, ut quoties ea mili iterum occurrit, eam statim agnoscam, & ab aliis discernam facillime. **Obscurae**, quoties ideae meae non ita comparatae sunt, ut res iterum occurrentes statim agnoscerem & distinguere ab aliis possim (*).

(*) Sic e. g. si quis viso tactoque adamante, qui in Magni Hetruria Ducus tiara fulget, imaginem istius adamantis mente circumferit, ideam istam acquisivit *sensione*, si deinde ex illo cogitationem format de adamantum figura, magnitudine, splendore, duritate, vel de adamante generatum, jam ideam hanc formasse sibi dicetur per *abstractionem*. Contra ubi quis aliquando sentit tristitiam, ex eaque sensione interna sibi ideam istius affectus format, hanc *conscientia* acquisivisse dicetur.

(†) Itaque experientia non demonstratur, sed sensione constat, at si quis ex ea experientia aliquid concludit, probare tenebitur, se recte esse ratiocinatum. Ita e. g. *solem aliquando maculis obducit*, probare non teneor, sed casum tantum narrare, quo hoc observatum sit. At si quis inde colligeret, *solem esse metallum aliquod liquidum, cuius escoriae aliquando emergentes has maculas in superficie efficiant*, demonstratio illi incumberet, se recte esse ratiocinatum.

(‡) Sua itaque opinione falluntur qui ita inferunt: *Sensus aliquando fallunt, ergo semper fallunt*. Prona enim ad scepticisimum via est persuasio, quod sensibus decipiatur.

rum occurrit, eam statim agnoscam, & ab aliis discernam facillime. **Obscurae**, quoties ideae meae non ita comparatae sunt, ut res iterum occurrentes statim agnoscerem & distinguere ab aliis possim (*).

§. XXVI.—**Clarae** ideae iterum vel **DISTINCTAE** sunt, vel **CONFUSAE**. **Distinctae**, quoties res ita concepi, ut certa indicia vel certas notas, quibus illas occurrentes distinguere ab aliis possim, in numerato habeam. **Confusae**, si res occurrentes distinguere, at indicia, vel notas, quibus distinguam, ostendere ac enumerare non possum (†).

§. XXVII.—Denique **distinctae** ideae **ADAEQUATAE** dicuntur, quoties non modo rem ejusque notas in numerato, habeo, sed & harum ipsarum notarum, quae illam distinctam notionem ingrediuntur, ideam distinctam habeo. Quod ubi secus se habet, idea **distincta** quidem, sed **INADEQUATA** est (‡).

§. XXVIII.—Deinde ideae vel **SIMPLICES** sunt, in quibus nihil mente dividere possumus, quales ferè omnes perceptiones colorum, sonorum, odorum, cet. vel **COMPOSITAE**, in quibus varia separare & dividere licet per abstractionem mentis, (§. XXII.) e. g. in idea adamantis separatim considerare possum figuram, duritatem, magnitudinem, splendorem, quantitatem, cet.

§. XXIX.—Quum itaque in ideis simplicibus mente dividire nihil possimus; (§. XXVIII.) consequens est, I. ut nec notas, quibus agnoscit, & ab aliis rebus distinguiri possint, enumerari liceat, adeoque II illae ideae cla-

(*) Ita lunae **claram** ideam unusquisque etiam ex plebe habet, non item **Jovis**, **Veneris**, **Martis**, **Saturni**, quas stellas plebejus facile cum stellis fixis confundet. Ergo hanc ideam obscuram admodum esse, facile patet.

(†) E. g. quum sciam, triangulum ab aliis figuris numero linearum, quibus inclusum est, distingui posse: ejus non modo **clarum**, sed & **distinctum** habere ideam dico. At colorem flavum a nigro satis quidem possum distingui, non autem ostendere indicium, per quod distinguam. Itaque haec idea **clara** quidem, sed **confusa** est.

(‡) Sic e. g. notae, quibus ignem ab aliis materiis discerno, sunt lux, calor, potentia incendiendi, solvendi, cet. Harum rerum omnium si quis habet ideam distinctam, notionem ignis **adaequatam** habebit: sin minus, **inadequatam**. Debemus hanc doctrinam **LEIBNITIO**, qui eam proposit in *Actis erud. Lips. ann. MDCLXXXIV. p. 537. seqq.* eamque deinde sequutus est illustr. **WOLFIUS Log. Cap. I. §. IX. seqq.**

Quae distinctae, que confusae?

Quae adaequatae, que inadaequatae?

Quae simplices? que compositae?

Earum natura.

Quid ideae
substantia-
rum, modo.
rum, relatio-
num?

Earum sub-
divisiones.

Et natura.

rae quidem, sed non distinctae sint. (§. XXVI.) III. Ut haec omnia secus se habeant in ideis compositis. §. XXX.—Praeterea ideae vel sunt SUBSTANTIA- RUM, vel MODORUM, vel RELATIONUM. Sub- tantiae sunt, quae per se & seorsum subsistunt (*); modi, adfectiones & attributa, quae in substantia occurunt, & ex iis mente abstrahuntur. *Relationes*, ideae, quarum una ad alteram se refert, ut altera sine altera intelligi nequeat, vel, ut unius consideratio considerationem alterius involvat.

§. XXXI.—*Substantiae cogitantes* dicuntur SPIRITU- TUS: non cogitantes CORPORA. Deinde modi, si in ipsa substantia occurunt, INTERNI, sin in hominis mente sunt, & substantiae tamen tribuuntur, EXTER- NI vocantur (†). *Relationum* denique tot sunt species, ut vel earum numerum inire sit difficillimum (‡).

§. XXXII.—Ex his inferimus, I. nos substantias ipsas non cognoscere. II. Quo plures in substantia modos novimus, eo magis nos rei naturam intelligere. III. Haud parum errare, qui de idea relativa aliquid absolute adfirmant vel negant, nec fundamentum relationis rite expendunt (§. XXXI.) (||).

(*) Pessime ergo BENED. SPINOZA substantiam definit a se subsistentem. Unde totum pantheismi sistema, uni huic falsae definitioni inaequatum, sua mole ruit.

(†) Sic quando linea vocatur recta, rectitudine inest lineae, tamquam modus *internus*. At ubi virtus magni aestimata dicitur: ea aestimatio non inest virtuti sed menti ejus, qui tantum virtuti premium statuit.

(‡) Ex instituto ea de re agit JO. CLERIC. in *Logica Part. I. Cap. IV. §. II. seqq. & in Art. crit. Part. II. Sect. II. Cap. IV.* Praecipue relations eluent in quantitatibus. Unde vanae plerumque disputationes de *magnitudine*, *nullitidine*, *diuturnitate*, *gravitate*, *puleritudine*, ceteris nisi de fundamento relationis, id est, de mensura, ad quam istae ideae exiguntur, satis conset.

(||) Quae observatio quantas utilitatis sit ad evitandas λογοπαχίες, quin & affectus tristiores sedandos, dici non potest. Sic multi se pauperes esse dolent, quem nulla re necessaria indigent. Et cur vero, nisi quod fundamentum relationis ponunt homines admodum divetes, quibuscum comparati, sibi pauperi. mi videntur? Eleganter SENECA in *Troad. v. 1016.*

Ferre, quam sortem patiuntur omnes,
Nemo recusat,
Nemo se credit miserum, licet sit,
Tolle felices, removeto multo
Divites auro, removeto, centum
Rura qui scindunt opulenta bubus:
Pauperi surgent animi jacentes.
Est miser nemo, nisi COMPARATUS.

§. XXXIII.—Porro ideae aliae nobis rem ipsam sis- tunt, in *individuo*, e. g. *Alexandrum*: aliae, quod res cum aliis quibusdam commune habet, e. g. *regiam ejus dignitatem*: aliae, quod res cum *omnibus* ejusdem naturae commune habet, e. g. *humanitatem*. Primi generis ideae SINGULARES, secundi, PARTICULA- RES; tertii UNIVERSALES appellantur.

§. XXXIV.—Universalis idea, quae varias sub se particulares complectitur, vocatur GENUS: particulares, quae sub universali comprehenduntur, & innumerabiles sub se habent individua, SPECIES; idea universalis, quae primario ad essentiam rei pertinet, & qua res a re distinguitur, DIFFERENTIA (*); quae secundario, PROPRIUM; quae rei quidem inest, sed ita ut ad ejus essentiam nihil faciat, eaque salva vel adesse vel abesse possit, ACCIDENS dici solet.

Quid ideae
singulares,
particulares,
universales?

Quae uni-
versalia seu
predicabilia?

SECT. III.

De definitionibus et divisionibus.

§. XXXV. QUIL sibi ideas rerum, distinctas & adaequatas adquisivit, ei jam facile erit, res non modo describere, sed & definire, & dividere. Quibus sane instrumentis carere non potest, qui veritatis investigandae studio tenetur. (†) Et DEFINITIO quidem est propositio rem ita determinans, ut ab aliis omnibus semper distingui possit.

§. XXXVI.—DESCRIPTIO a definitione ita dif- fert, quod licet utraque vera sit, illa tamen rei non nisi certis sub circumstantiis; haec semper competat (‡).

Quid defi-
nitio?

Quid de-
scriptio?

(*) Quae differentia genus a genere discernit, GENERICA; quae speciem a specie, SPECIFICA; quae individuum ab individuo NUMERICA audit.

(†) Si enim *distinctam* habemus ideam, rem DEFINIRE possumus. (§. XXVI.) Si *adaequatam*, nihil facilius erit, quam eam DIVIDERE. (§. XXVII.)

(‡) E. g. si dico, *horologium* esse machinam argenteam, quae jam ex catenula in pariete musei mei sub speculo pendeat: illud tan- tum describo. Sin dico, esse machinam ad horas vel soni vel stilo indicandas comparatam, illud definio. Quod enim ex cate- nula pendet horologium in pariete, aliquando; quod ad horas in- dicandas comparatum est, semper ei competit, quamdiu manet ho- rologium.

Definitionis
partes

§. XXXVII.—Quum ergo DEFINITIO semper competere debeat rei: (§. XXXVI.) consequens est, ut primo id, quo cum aliis ejus naturae rebus convenit, ac deinde ideam, quae ad essentiam rei primario pertinet, & qua a reliquis omnibus distinguitur, comprehendere debeat, adeoque constare ex GENERE & DIFFERENTIA SPECIFICA (§. XXXIV.) e. g. *triangulum est figura tribus lineis circumscripcta*.

Quid defini-
nitio nomina-
lis?

§. XXXVIII.—Quod si itaque differentiam illam specificam desumo a nota aliqua, qua rem mihi obviam ab aliis omnibus semper discernere possim, definitio illa dicetur NOMINALIS, e. g. *circulus est figura, cuius peripheria a centro ubique aequaliter distat*.

Quid rea-
lis?

§. XXXIX.—Sin differentiam in eo pono, ut ostendam modum, quomodo illa res oriatur, vel quomodo possibilis sit, definitio REALIS emerget, e. g. *circulus est figura, quae radio circa punctum circumacto describitur*.

Definitionis
bonae virtu-
tes.

§. XL.—Ex quibus facile patet, i. definitionem non debere esse negativam, quia ita res a re non distinguitur per ideam, quae ad essentiam pertinet. (§. XXXVII.) ii. Eamdem nec latiorem, nec angustiorem esse oportere suo definito, sed cum illo reciprocari debere, (*) quia alias rem non determinaret. (§. XXXV.) iii. Eamdem constare debere verbis propriis, perspicuis, aut certe jam antea definitis.

Quomodo
definitiones
reperiuntur?

§. XLI.—Ceterum definitiones aut *experiundo* reperimus, si in re quavis justa attentione consideremus, quid cum aliis commune, quidve proprium habeat, vel per *abstractionem*, circumstantias quasdam *omittendo*, vel easdem *mutando*, vel novas quasdam *addendo* (†).

(*) Hinc si quis circulum definiret *figuram lineae curvae inclusam*, procul dubio vitio insigni laboraret haec definitio, quia reciprocando dici nequit, *figuram lineae curvae inclusam esse circulum*, siquidem & ovalem figuram aliasque complectitur.

(†) E. g. dum video, duos homines emtionem venditionem inire, satis experior, hunc contractum id commune habere cum aliis, quod contrahentes convenire vel consentire debeant, id vero proprium, quod consentiant in re, quae in commercio est, pro certo pretio in pecunia numerata consistente transferendam. EXPERIUNDO ergo inveni definitiōem: emtionem venditionem esse conventionem de re, quae in commercio est, pro certa pecunia transferenda. Jam si OMITTAM circumstantiam pecuniae, habeo definitionem *contractus* in genere, quod sit *conventio de re*, quae est in commercio, transferenda. Si MUTO circumstantiam

§. XLII.—Quando definitio *experiundo* reperitur, vel ab ejusmodi definitione hoc modo reperta *abstrahitur*: rem definitam exsistere, negari nequit, at quotiescumque definitio *mutando addendove* circumstantias inventa est, demonstrandum est, rem exsistere, quia & entia rationis hoc modo possunt definiri (*).

An semper,
quod defini-
mus, exstet.

§. XLIII.—Ex quo inferimus, i. definitiones prioris generis vere esse fundamentum demonstrationis veritatisque reperienda: ii. definitiones posterioris generis tale fundamentum non praebere, nisi prius definiti existentia demonstrata sit (†).

Quando defi-
nitiones sint
fundamen-
tum demon-
strationis.

§. XLIV.—Quum vero ad investigandam veritatem praecipue utile sit, ideas habere *adaequatas*, (§. XX.) eas autem adquirere nequeam, nisi & notarum omnium, quae illas ingrediuntur, distinctas ideas habeam: (§. XXVII.) ad eas viam expeditissimam munit DIVISIO, quae est *ideae universalis in plures particulares solutio*.

Quid divi-
sio?

§. XLV.—i. TOTUM ergo dividitur in *partes*: ii. GENUS in *species* subordinatas: iii. SUBJECTUM in sua *accidentia seu modos*: iv. ACCIDENS per sua *subjecta*: v. EFFECTUS per suas *caussas*: vi. CAUSA per suos *effectus*: vii. QUALITAS per sua *objec-
ta* (†).

Quomodo
dividendum
sit?

§. XLVI.—Non solum autem res dividenda, sed &

Membra di-

pecuniae, & fingo rem gratis transferri, habeo definitionem *donatio-
nis*, et. Si denique circumstantias aliquas ADDO, velui quod res transferatur ea lege, ut elapsa certo tempore refusoque pretio restituatur, emerget definitio *retrovenditionis*.

(*) Hinc e. g. quia experiundo didici, *montem esse partem ter-
rae extantiorē particulis heterogeneis compositam*: certissimum
esse possum de montium existentia. Atsi mutem circumstantiam,
mihi concipiā *partem terrae extantiorē ex meris particulis
aureis compositam*, habeo quidem definitionem montis aurei, qui
tamen fortassis non exstat in rerum natura.

(†) Recte hoc vidit illustr WOLFRUS in *Commentatione de meth-
odol. mathem.* §. XXI. seqq. Et ex eo patet, quid sentiendum sit
de demonstratione existentiae Dei ex idea entis perfectissimi.

(‡) PRIMAE exemplum esto: templum Hierosolymitanum di-
viditur in *atrium, sanctum, & sanctum sanctorum*. SECUNDÆ:
animal est vel *homo*, vel *brutum*. TERTIAE: homines vel *docti*,
vel *inducti*. QUARTAE: bonum est vel *animi*, vel *corporis*.
QUINTAE: scriptura sacra, vel *prophética* est, vel *apostólica*.
SEXTAE: verbum Dei aliud peccata arguit, ut *evangelium*. Denique SEPTIMAE: amor est vel
Dei, vel *sui ipsius*, vel *proximi*.